

**SAMPLE QUESTION PAPER
TERM II (2021-2022)**

**SUBJECT : MIZO (098)
CLASS : X**

Time : 2 Hours

Full Marks : 40

Section A (Reading Comprehension)

1. A hnuaiia thu hi ngun takin chhiar la, a tawpa zawhnate hi chhang ang che.

Tunlai Mizo thalai thenkhat chuan hnam dang nunphung chi khat, “It’s my life,” an tih hi, ‘Mahni duh dan dana, duh duh dana, duh duha duhdah taka khawsak theihna,’ ti zawngin Mizo nun letling atan an hmang thin a ni awm e. Mahse, hetiang mite hi mawng sawh dawtin an tawlh thlu zui duh hle. Mizo nunphung leh chin dan thate thauh thla lova zalenna him chu kan tualzal nunah kan vawn a pawimawh takzet thin.

Nawmsak leh hlimna kan zawwna lamah hian zalenna kan thlim fo va, chumi nghawng chu zallenna suak emaw, zalenna sual emaw tiin kan sawi thei ang, chu chu ‘It’s my life,’ tih letling dik lotute nunchan atang hian a hmuh theih a ni. Chutiang mite chuan thlim neiin zalenna dik tak chu sui hkaih hleih leh sui tungturutin an chaih lauh lauh thin a; chu chu a him lo va, a chaih tute an himin an hlim tak tak ngai lo va, an chaihna leh an chaina hmun ngeiah mawng sawh dawtin an tawlh thlu thin a ni.

Zalenna him erawh chu a hmangtu chuan a nu leh pa emaw, a nupui pasal emaw, a ngaihzawng emaw, dan pu emaw pawh a thlim ngai lo va, a ngai hek lo. Chu chu a dikin a hlimawm a, a him bawh a ni. Mahse, zalenna him hi kan tualzal nun leh Mizo nunphung atan kulh nghet tak a nih lain, ‘It’s my life,’ tia mi zalen nih duhtu a tam zawk tan erawh a hnawksakin a him lo hle thung lawi si!

Mite sawi thin sapho chu kum an tlinin mahni inchawm thei zawngin an khawsa a, ‘It’s my life,’ an ti mai a. Mizote erawh chu chawmhlawm tawp pawhin, ‘It’s my life,’ an han ti mawlmang ve ringawt thin a. Heng mite hi an nu leh paten, “Aw le, i nun alawm,” tia thlah zalenin, chawlhkar pawh tling lo, ni hnih ni thum lek pawh engmah

han pe duh miah lo ta se an buai chhe nghal mai dawn tih a chiang reng mai. Mizo thalaite zingah chutiang mi, thereng thawrawng ang maia rak ve chiam chiam satliahho hi thahnem tham la awm lo hram se a tha ngawt ang.

Intihtunlaina avangin hnam dang chin dan tha lo leh zalenna suak thlenga intihhmuh kan hrat a; mahse, ram changkang leh ram hmasawn tawhte nunphung leh chin dan ngaisanga kan entawn chhoh lai hian Zo zia leh Mizo khawtlang nunphung pangngai nen a inrem chiah em tih te, pi pu chena kan lo chin dan aia a thatna leh kan hlawkpui zawkna tur te, chhungkuuaa inhmangaih tawwna leh inzawmna nghet tha kan neih nan te, thenawm khawveng leh Khawtlang ingainatna leh inlungualna kawngah te, Mizorama

Mizote tan hian Mizo nunphung leh chin dan tha aia kan thatpui zawk hi a awm chiah em tih kan chik uluk thin a ngai hle mai.

Mizo nunphung kal zel hi kan ennawn fo loh chuan chhuan thar inher chhuak chho leh turah pawh Mizona, Mizo tih kan hriatna, hnam dang lakah pawha Mizo hriat hran theihna leh danglamna, Mizo zia leh Zonun mawi thleng hian a ral thum vek palh thei mai ang em tih hi kan ngaihtuah a tul awm e.

I duh duh pali chhang rawh.

2x4=8

- a) Tute nge mawng sawh dawta tawlh thlu thin chu?
- b) He thuziak atang hian hnam dang tih dan kan entawn dawna ngaihtuah ngaite kha han sawi teh.
- c) Nun hlimawm leh him neih theihna kawng han sawi teh.
- d) Zonun mawi kan humhalh theihna kawng nia i hriat han sawi teh.
- e) Intihtunlainain a nghawng chu eng nge ni?

Section B (Writing)

2. I duh ber thupui hmangin essay, thumal 500 velin han ziak teh. 10

- a) Hripui lengin zirlaite a nghawng dan
- b) Thian ka ngainat zawng
- c) Ramngaw, nungchate thian

3. A hnuaiia thu hi ngun takin chhiar la, thupui pein a thu hi hmun thuma thena hmun khat vel, tawi kim deuhvin han ziak teh. 2

Mizote hi zai ngaina tak hnam kan ni a. Pi leh pute hun ata tawh hlim ni a lo thlenin hlim takin kan zai ho va; lungngaih ni a lo thlen pawhin zai bawkin kan inhnem leh thin. Vantlang huap emaw, thianzaho emawa thil tikhawm a awmin kan zai a, lungleng leh khawhar taka kan awm pawhin kan zai loh leh mi dang zai tal kan ngaithla hram thin. Tun thleng hian puipun nikhuaa zai a awm loh chuan kim lo tlatin kan inhre fo. Chutiang hnam chu kan nih avangin zai thiam leh hla phuah thiamte hi an hluin chawimawi pawh an phu viau reng a ni. Mihringte hian kan rilru tina em emtu emaw, tilawm em emtu emaw kan tawn chang a awm fo va. Hla phuah thiam chuan chu a thil tawn chu hla thu mawi tak hmangin a puang chhuak thin. Hla phuah thiam tam ber hian an hla phuah hi phuah chawp tak tak ni lovin an thil tawn leh tawrhthe hla hmanga an puan chhuaahna a nih thin avangin a takin a hlu hle a ni.

4. Khawvel sik leh sa danglam zel chungchanga mihringten mawhphurhna kan neih dan sawia Kunga, Thuama leh Hruaii te inbiakna, thumal 200 velin han ziak teh. 5

5. Hnam dang tawng thenkhat kan tawng ang maia kan hman chhan kawng thum sawi la, hnam dang tawng thumal pathum hmangin sentence han siam teh. 3

Section C (Literature)

6. A tobula chhuiin hrilhfiah rawh. 4

- a) “Ka rian khua sei mah se Parte,
Nang zawng damte’n mual liam la;
Par ang kan lawm thin chhawrthla kha,
Mahte’n ka tahpui ta’ng e.”

Emaw

- b) “Kan nun chung lei thim zingah hian,
Ka au zel ang Chhandamtu;
Thlen hlan ka nghakhlel, nun tawp lo ram;
Lo eng rawh chatuan kumhlun ram chu.”

7. I duh zawk zawk chhang rawh. 2

Vankhaman, ‘Zaman hmawng thing ang min phuar vel e,’ a tih kha han sawi fiah teh.

Emaw

Lal Isua lo kal leh huna thil awm dan tur Taivela hla atangin eng angin nge kan hmuh?

8. I duh duh pathum chhang rawh. 2x3=6

a) Tanpui ngai ber in zirlaiin min kawhmmuh kha eng ang nge an nih a, eng nen nge a tehkhin?

b) “Nu tha tak pakhat hi zirtitu zakhat tluk a ni,” tih hi han sawi zau teh.

c) ‘Chan tawka lungawi’ tih thu-ah hian mihring leh ransate danglamna eng nge kan hmuh?

d) Hun tha nei renga kan inchhal theih nan engtin nge hunk an hman ang?

.....